



須菩提菩薩摩訶薩夢中不恐不怖不難不  
畏夢中若見郡縣其中兵起展轉相攻若火  
起若見虎狼師子及餘獸若見斷人頭者如  
是餘變化大勤苦者多困窮者飢者渴者都  
以厄難悉作是見其心不恐不怖不驚不搖  
於夢中見以覺即起坐作是念如夢中所見

觀是三處我作佛時悉為說經遍教亦復是  
須菩提阿惟越致菩薩摩訶薩當知是阿惟  
越致相復次須菩提何從知是菩薩摩訶薩  
得阿耨多羅三耶三善成作佛時其境內一  
切無有惡心是時須菩提菩薩摩訶薩夢中  
若見畜生相噉人民疾疫時其心稍稍生速

得是願作是念我會當作佛如我作佛時使  
我境界中一切無有惡用是故知亦復是須  
菩提阿惟越致菩薩摩訶薩當知是阿惟越  
致相諸惡悉除賜亦復是須菩提阿惟越致  
相復次須菩提是菩薩摩訶薩於夢中覺已  
若見城郭火起時便作是念我於夢中所見

用是比用是相見不怖用是比用是相行具  
足菩薩摩訶薩如是是為阿惟越致相持是  
比持是相行具足是為阿惟越致菩薩摩訶  
薩今我審應審至審是所向者當無異今是  
城郭火起用我故悉當滅悉當消悉當去不  
復現佛言假令火賜滅已賜消已賜去已知  
知

是須菩提菩薩摩訶薩受決已過去但薩阿  
竭阿羅訶三耶三佛授阿耨多羅三耶三善  
知是阿惟越致相假令火不滅不消不去知  
是菩薩摩訶薩未受決設火神燒一舍置一  
舍復越燒一里置一里知是須菩提其家人  
前世時斷經故所致是輩之人所作宿命悉

自見宿命所作惡於是悉除賜從是以來斷  
經餘殃悉盡是宿命惡悉消如是須菩提知  
是菩薩摩訶薩未得阿惟越致阿耨多羅三  
耶三善復次須菩提用是人用是相行具足  
菩薩摩訶薩當作是視持是比持是相當為  
說令知之或時須菩提若男子女人為鬼神

所下若為所持是彼菩薩作是念或我受決  
 如過去怛薩阿竭阿羅訶三耶三佛授我阿  
 耨多羅三耶三菩阿惟三佛是阿耨多羅三  
 耶三菩所念悉淨潔故設我當作阿耨多羅  
 三耶三菩阿惟三佛所念皆淨潔是阿耨多  
 羅三耶三菩却阿羅漢心却辟支佛心設却

阿羅漢心以設却辟支佛心以阿耨多羅三  
 耶三菩會當作佛不得不作佛阿耨多羅三  
 耶三菩當作佛者十方阿僧祇刹現在諸佛  
 無不知者無不見者無不證者今怛薩阿竭  
 阿羅訶三耶三佛悉知我所議令我審當作  
 阿耨多羅三耶三菩阿惟三佛審如我所語  
非 道行七 三

審如我所為審如我所言是鬼神當用我故  
 去便告言是男子女人何等鬼神所取持平  
 鬼神即為去設是不去者是菩薩摩訶薩說  
 是時當知須菩提是菩薩摩訶薩未受決過  
 去怛薩阿竭阿羅訶三耶三佛不授阿耨多  
 羅三耶三菩佛語須菩提其人審至者弊魔

往到是菩薩摩訶薩前住作是語言若本作  
 是住若本字某若以受決欲以亂之是菩薩  
 當說是語時我是真者鬼神當隨我語我審  
 受決為阿耨多羅三耶三菩審如我至誠者  
 是鬼神即當去是弊魔便作是念我當使鬼  
 神去何以故弊魔極尊有威神鬼神不敢當

魔作是念鬼神用魔威神故便捨去如是菩  
 薩作是念用我威神故鬼神即去耳佛言不  
 知用魔威神故去也是彼菩薩摩訶薩以自  
 謂審然便自貢高輕易人形笑人無所錄語  
 人言我於過去怛薩阿竭阿羅訶三耶三佛  
 所受決已其餘人悉未受決用是故自可自

貢高反瞋恚起恚怒稍稍增多則離薩芸若  
 大遠失阿耨多羅三耶三菩智是輩菩薩無  
 有漚怒拘舍羅瞋怒更生起是兩地當墮阿  
 羅漢地若墮辟支佛道地是輩須菩提持不  
 成作成是菩薩摩訶薩當覺知魔為捨善知  
 識去亦不與善知識語亦不與善知識從事

亦不錄善知識用是故知為魔所固如是須  
菩提菩薩摩訶薩當知魔為何以故當覺是  
事知魔來在菩薩前魔時時變服往作是語  
言過去怛薩阿竭阿羅訶三耶三佛授若阿  
耨多羅三耶三菩若本字某若母字某若父  
字某若兄字某若婦字某若弟字某若親厚

字某若知識字某若父兄字某若七世祖父  
字某若母外家字某若父外家字某若在某  
城生若在某國生若在某郡生若在某縣生  
若在某鄉生若常濡語若今作是語若乃前  
世時亦復作是濡語或時高才便復隨形言  
若前世時亦復高明或見自字或見乞食或

時一處飯或時就飯者或時先噉菓菜却食  
飯或時在丘墓間或時露地或時在樹間止  
或時有更請者或時不受請或時少多取足  
或時麻油不塗身或時語聲好或時巧談語  
魔見如是因依詭言若前世時亦復巧談語  
如是若前世時施行法亦復如是何以故若

前世時淨潔行今還得若前世時行淨潔故  
德所致今若逮是功德耳若前世時某家子  
若種姓亦復字某前世有是行若今世亦復  
淨潔得是彼菩薩心便作是念想我得無爾  
乎是弊魔便復作是語言若以受決阿惟越  
致過去怛薩阿竭阿羅訶三耶三佛若授決

已用是故若得淨潔佛語須菩提我所說阿  
惟越致菩薩摩訶薩持是比持是相持是行  
用占之我所說者不具足得反自用是當知  
是菩薩輩終不成就當知為魔所壞何以故  
用是比用是相阿惟越致菩薩摩訶薩知是  
了不得用魔說其功德故說其字故是輩菩

薩摩訶薩聞魔所語心歡欣自謂審然便行  
形調人輕易同學人自貢高彼菩薩用受是  
字故便失其本行墮魔羅網復次須菩提用  
愛是字故菩薩摩訶薩不覺魔為反自呼得  
阿耨多羅三耶三菩魔復作是語言若當作  
阿耨多羅三耶三菩若作佛時當字某是菩

薩聞是字心中作是念我得無然乎我亦先時念如是我本作是生意以我本作是念已佛言是菩薩如是於智中少是菩薩無有漚漚拘舍羅反作是念是所言我字當作佛時亦如我先時所念我定當作阿耨多羅三耶三善字如是佛言如魔所教若魔天共作是比丘為魔所迷佛語須菩提我所署菩薩用是比用是相我不教今作是為我所教了不得忘是比失是相反用是字故自意念我是阿惟越致便輕餘菩薩用是輕易故遠離佛遠離薩芸若遠離阿耨多羅三耶三善智遠是漚漚拘舍羅忘已般若波羅蜜忘已忘善知識已更得惡知識是菩薩會墮阿羅漢辟支佛道中若後大久遠勤若能復求佛者用般若波羅蜜恩故當復得阿耨多羅三耶三善自致作佛佛言今時發意受是字時不即覺不即改不即悔如是當墮阿羅漢辟支佛道佛言若有比丘教重禁四事法若復他事

所犯毀是禁不復成沙門不復為佛子是壞菩薩輩罪過於比丘四事法是菩薩言我於某國某郡某縣某鄉生作是意生念時某罪最重當作是知置是四事重法是為五逆惡當意生是念時其罪重是菩薩用受其字故意信生是念故其罪大當作是知如是須菩提用是字故為魔入深罪復次須菩提遠離之德菩薩摩訶薩弊魔復往作是語言遠離法正當爾怛薩阿竭阿羅訶三耶三佛所稱譽佛語須菩提我不作是說遠離教菩薩摩訶薩於獨處止於樹間止於閑處止須菩提白佛言云何天中天菩薩摩訶薩遠離何所復有異遠離乎亦不於獨處止亦不於樹間止亦不於閑處止何等為異遠離佛語須菩提正使各各有阿羅漢隨是行念各各有辟支佛隨是行念各各有菩薩摩訶薩城外行遠離各各行菩薩摩訶薩一切惡不得犯各各行菩薩摩訶薩若當於獨處止若於樹間

佛言

道行七

六

六

止若於閑處止了了行菩薩摩訶薩是遠離法我樂使作是行不使遠行絕無人處於中也菩薩摩訶薩持是遠離當晝夜行當了了行是故菩薩摩訶薩遠離於城傍行持是比菩薩摩訶薩當各各行若於獨處止若於樹間止若於閑處止各各行菩薩摩訶薩我所

說遠離法如是尔時弊魔當往教行遠離法語言若當於獨處止若於樹間止若於閑處止當作是行是菩薩隨魔教便忘遠離法魔語言道等取阿羅漢法作是念無有異當隨是行辟支佛道作是念無有異亦當隨是行菩薩道作是念無有異亦當隨是行般若波羅蜜難了知入中若當作是行捨般若波羅蜜佛言是菩薩所願未得反隨其行於法中未了知是菩薩摩訶薩反自用是當輕易餘菩薩自念誰能過我者輕易城傍行菩薩城傍行菩薩了了淨潔心所念不入阿羅漢法中住不入辟支佛法中住所有惡心不受禪

悅棄定於三昧中悉遠得所願悉具足度佛言是無有滛愁拘舍羅菩薩正使於百千踰旬空澤中在其中行禽獸所不至處賊所不至處羅刹所不至處在彼間止若百歲若百千歲若百千萬歲正使復過是不知是遠離法會無所益是遠離菩薩不具足自念自用

奔 道行七

七

譯

悉得以了不自知為忘也自用在遠離中立是為兩舌耳不得遠離也我不喜是菩薩心爾也我所道遠離菩薩摩訶薩不爾也是所遠離不具足知於是遠離中了不得如是為忘遠離耳如是弊魔便往飛在虛空中立作是語善哉善男子是真遠離法但薩阿竭阿羅訶三耶三佛所說正當隨是遠離行如是疾得阿耨多羅三耶三菩阿惟三佛是菩薩聞是語喜便從遠離起去往到城傍遠離菩薩所是菩薩比丘成就有德人也反往輕言若所行法非也佛言如是諸仁者中有了了隨行菩薩摩訶薩反呼非中有反行反呼是

不當敬者而敬之當所敬者反瞋向語是菩薩言我行遠離有飛人來語我言善哉善哉若審是遠離法正當隨是行用是故我來相語耳今若當隨我所行如我所行無有比若在城傍行誰當來語若誰當來告若善哉佛言是菩薩有德之人而反輕如是須菩提菩薩當作是知如擔死人種無所復中直反呼是菩薩有短是為菩薩怨家是為厭菩薩以是為天上天下之大賊也正使如沙門被服亦復是賊無異也於菩薩有德人中亦復是賊也是曹輩須菩提不當與共從事也不當與共語言也亦不當恭敬視也何以故多瞋怒起敗人好心是輩人也當作是知何所須菩提菩薩摩訶薩不捨薩芸若不置阿耨多羅三耶三菩是所菩薩摩訶薩不捨薩芸若故是阿耨多羅三耶三菩阿惟三佛為一切護薩和薩是彼壞菩薩輩不當與從事不當敬不當與會所當護法當自堅持常當急持

淨潔心立心所狎習常當諦持常當正心常當怖畏勤苦處無得入其中無得入三處是彼壞菩薩輩所在彼處常當持慈心向常當哀之令安隱愍傷之慈念之常當自護自念使我無得生是惡心一切使我心無瑕穢我設有是不善疾使我棄如是須菩提菩薩摩訶薩所有行極上當作是知道行般若波羅蜜經善知識品第十九復次須菩提菩薩摩訶薩在事欲得阿耨多羅三耶三菩阿惟三佛是彼當與善知識從事恭敬承事須菩提問佛菩薩摩訶薩善知識當何以知之佛語須菩提佛天中天是菩薩摩訶薩善知識若有說般若波羅蜜者教人入是經中是菩薩摩訶薩善知識六波羅蜜是舍怛羅六波羅蜜是道六波羅蜜是護六波羅蜜是一六波羅蜜是將過去怛薩阿竭阿羅訶三耶三佛皆從六波羅蜜出甫當來怛薩阿竭阿羅訶三耶三佛皆從六波羅

蜜出今現在十方阿僧祇剎怛薩阿竭阿羅訶三耶三佛亦皆從六波羅蜜出成薩芸若皆於四事中取道用四事護薩和薩何等四事一者布施於人二者歡樂於人三者饒益於人四者等與是為四如是須菩提菩薩摩訶薩是故為舍怛羅是故為母是故為父是

故為舍是故為臺是故為度是故為自歸是故為導是故為六波羅蜜是故為薩和薩之度何因菩薩摩訶薩學六波羅蜜用無有極處人民故悉欲斷其根是菩薩摩訶薩皆於般若波羅蜜中學須菩提問佛何所是般若波羅蜜相佛語須菩提無所罣礙是般若波羅蜜

羅蜜相須菩提言是所相得般若波羅蜜如是相得諸法佛言如是須菩提無所有相得般若波羅蜜是所相得諸法何以故須菩提諸法各各異諸法各各虛空如是須菩提是所相各各虛空是為般若波羅蜜相諸法各各虛空如是須菩提所相般若波羅蜜各各

虛空隨是相諸法各各虛空須菩提問佛正使天中天諸法各各虛空何緣人民欲生無有盡時各各無有減時各各無有盡處時虛空無有增時虛空無有息時各各虛空無有阿耨多羅三耶三菩阿惟三佛不從是中各各虛空是法不得阿耨多羅三耶三菩阿惟

三佛云何天中天是法當何以知汝佛語須菩提爾須菩提晝夜人民欲得是因致是作是求須菩提言如是天中天晝夜人民欲得是因致是作是求佛言云何須菩提若見我欲得是空不須菩提言不也天中天佛言如是不須菩提自作是得是空不須菩提言如

是天中天空佛言云何須菩提但用是故欲得是因致是人民用是故勤苦無有解已時須菩提言如天中天極安隱人民欲得是因致是勤苦無有休息時佛言如是須菩提人民所欲故便著當作是知人民所生本從是生從是中無可取無可取者不作是得是了



無所有如是須菩提無有減盡時從是中了  
 無有生增益者作是曉知是為菩薩摩訶薩  
 行般若波羅蜜須菩提白佛言作是曉知者  
 菩薩摩訶薩為不求已不求痛痒思想生死  
 識作是曉知行般若波羅蜜菩薩摩訶薩為  
 悉等行諸阿羅漢諸辟支佛所不能及有德  
 之人所行道是彼極過上是所得愛無有能  
 逮者是菩薩摩訶薩當作是念得般若波羅  
 蜜已當作是行菩薩摩訶薩晝夜行疾近阿  
 耨多羅三耶三菩阿惟三佛佛言云何須菩  
 提闍浮利人民及四面蚰飛蠕動悉令作人  
 各各得人道已皆令求阿耨多羅三耶三菩  
 以發意索佛道各各盡壽作布施持是布施  
 施與作阿耨多羅三耶三菩於須菩提意云  
 何是菩薩摩訶薩作是布施其福寧多不須  
 菩提言甚多甚多天中天佛言不如是菩薩  
 摩訶薩得般若波羅蜜已守一日正使最後  
 守一日如般若波羅蜜中教作是念行其福

辨 道行七

十

未

過彼上或時菩薩摩訶薩得般若波羅蜜已  
 如是法作是念行是都盧於眾中極尊何以  
 故其餘人無有能及是慈者捨諸佛是菩薩  
 摩訶薩無有與等者是善男子深入智中曉  
 了是智悉具足悉見世間勤苦者亦時極大  
 愍傷念眼徹視見不可計人民悉具足無有  
 懈時用不懈故得是行當今時極大感念悉  
 念薩和薩不用是相往亦不用餘住是所須  
 菩提菩薩摩訶薩其智極大明雖未作阿耨  
 多羅三耶三菩明如是隨是行一切刹土皆  
 共尊舉正上阿耨多羅三耶三菩終不還若  
 受人衣被飲食牀卧具醫藥悉具足是般若  
 波羅蜜者心在其中立所受施悉除去近薩  
 芸若如是須菩提菩薩摩訶薩所噉無有罪  
 益於薩和薩悉示道徑無有邊無有極處悉  
 明照諸在牢獄中者悉欲度脫薩和薩悉欲  
 示眼是般若波羅蜜中法當念行當隨是教  
 用是念行是般若波羅蜜有入中者不動行

辨 道行七

十一

解

不搖行何以故隨是不動搖行莫念想莫得作異念持疑入般若波羅蜜中當作是行晝夜入般若波羅蜜中莫懈止譬若須菩提善男子得摩尼珠前時未得却後得是摩尼珠歡欣踊躍得是摩尼珠已却後復亡之用是故大愁毒坐起憂念想如亡七寶作是念云何我直亡是珠寶如是須菩提菩薩摩訶薩欲索珠寶者常當堅持心無得失薩芸若常當入是中念須菩提白佛言設使所念用身亡乎云何菩薩摩訶薩念薩芸若不亡佛語須菩提設是菩薩摩訶薩作是知無爲不失般若波羅蜜何以故須菩提般若波羅蜜虛空是般若波羅蜜亦不增亦不減須菩提言是般若波羅蜜虛空云何生菩薩摩訶薩般若波羅蜜成就其行近阿耨多羅三耶三菩佛言不也須菩提菩薩摩訶薩亦不增亦不減正使須菩提是經中說時菩薩摩訶薩聞是亦不恐亦不怖當作是知是善男子則爲

行般若波羅蜜須菩提白佛言如是般若波羅蜜爲空行乎不須菩提有離般若波羅蜜行得不須菩提空行不須菩提離空行不須菩提敗色行不須菩提敗痛痒思想生死識行不須菩提離色頗所有行不須菩提離痛痒思想生死識頗所有行不須菩提言云何

天中天行般若波羅蜜佛言云何須菩提見是法不何所法行般若波羅蜜須菩提言不見也天中天佛言云何須菩提遍見不見般若波羅蜜何所菩薩摩訶薩行須菩提言不見也天中天佛言設使須菩提遍見不是菩薩摩訶薩行般若波羅蜜須菩提言不見也

天中天佛言設使須菩提不遍見法有所生處不須菩提言不見也天中天佛語須菩提是菩薩摩訶薩逮無所從生法樂如是樂悉具足無所從生受決阿耨多羅三耶三菩是但薩阿竭阿羅訶三耶三佛所至處無所復畏悉作是護菩薩摩訶薩作是求作是行是

釋道行七

十一

釋

力為逮佛慧極大慧自在慧薩芸若慧但薩  
 阿竭慧設是不得佛佛語為有異須菩提白  
 佛言設使諸法無所從生受決阿耨多羅三  
 耶三菩提語須菩提不也須菩提白佛言云  
 何菩薩摩訶薩得阿耨多羅三耶三菩提語  
 須菩提見不所當受決阿耨多羅三耶三菩  
 須菩提言我不見法當作阿耨多羅三耶三  
 菩提言如是須菩提如是諸法無無從中得  
 菩薩不作是念持是法當受決不受決  
 道行般若波羅蜜經釋提桓因品第二十  
 釋提桓因於眾中白佛言甚深般若波羅蜜  
 難了難知是人民功德不小聞是深般若波  
 羅蜜書者持者學者佛語釋提桓因云何拘  
 翼闍浮利人民是都盧皆持十戒悉具足其  
 功德寧多不持是功德百倍千倍萬倍億萬  
 倍巨億萬倍不如是善男子善女人闍是般  
 若波羅蜜書持學者時坐中有一異比丘語  
 釋提桓因出拘翼上去已善男子善女人

功德乎釋提桓因報是比丘言時心一反念  
 出我上去已何況聞般若波羅蜜書持學者  
 聞般若波羅蜜以隨是法隨是法教作是立  
 都盧出諸天阿須倫世間人民上都盧於諸  
 天阿須倫世間人民中極尊菩薩摩訶薩行  
 般若波羅蜜不獨過諸天阿須倫世間人民  
 上也乃至須陀洹斯陀舍阿那舍阿羅漢辟  
 支佛都復過是上菩薩摩訶薩行般若波羅  
 蜜不獨過阿羅漢辟支佛上也亦復至菩薩  
 行檀波羅蜜設無般若波羅蜜無漚耜拘舍  
 羅亦復過是上不獨過檀波羅蜜亦復乃至  
 尸波羅蜜彞提波羅蜜惟逮波羅蜜禪波羅  
 蜜菩薩摩訶薩失般若波羅蜜失漚耜拘舍  
 羅亦復過是上去菩薩摩訶薩行般若波羅  
 蜜正使菩薩摩訶薩狎習般若波羅蜜中行  
 都盧合會諸天諸阿須倫諸世間人民終不  
 得勝是菩薩摩訶薩行般若波羅蜜菩薩摩  
 訶薩如中所狎習般若波羅蜜作是堅持是

菩薩摩訶薩疾近薩芸若是菩薩摩訶薩離  
 但薩阿竭名不遠是菩薩摩訶薩如是護離  
 佛坐不遠是菩薩摩訶薩所有懈怠不復生  
 是菩薩摩訶薩作是學為學佛不學阿羅漢  
 法不學辟支佛法當作是學菩薩摩訶薩四  
 天王當作問訊言疾學是四部弟子當作所  
 度當於佛座上坐作阿耨多羅三耶三菩作  
 是學菩薩摩訶薩四天王常自往問訊何況  
 餘天子但薩阿竭阿羅呵三耶三佛常念菩  
 薩摩訶薩行般若波羅蜜當作是行菩薩摩  
 訶薩般若波羅蜜或時世間所有勤苦之疾  
 是身了無有恐是為菩薩摩訶薩般若波羅  
 蜜阿難作是念是釋提桓因自持智說耶持  
 佛威神說乎釋提桓因知阿難心所念語阿  
 難言持佛威神我所說乎佛言如是阿難持  
 佛威神釋提桓因所說乎正是中阿難或時  
 菩薩摩訶薩深念般若波羅蜜行般若波羅  
 蜜行學般若波羅蜜當是時三千大千國土

中弊魔一切心中皆愁毒欲共壞亂是菩薩  
 摩訶薩自共議言當何以使是菩薩便中道  
 取證阿羅漢辟支佛道莫使成作佛

道行般若波羅蜜經卷第七 鱗七

勇悍下音 姝尺朱反 菓下果反 瓜之類在  
日菓一本 榆旬上羊朱反亦 踰緒那云 地此  
作菓菓一本 旬又曰家譯里數榆旬地此

方四十里也然諸多不路徑下古沈茂敬書

後屯溪擅越張稅院名瘡一力刊此經一函

都勸緣檀越成忠郎趙 安國

道行般若波羅蜜經卷第八 鱗八

後漢月氏三藏支婁迦識譯

道行般若波羅蜜經貢高品第二十一

佛語阿難菩薩隨時欲學般若波羅蜜隨法  
 欲行般若波羅蜜是時一佛界中魔各各驚  
 自念言欲使甚薩中道得阿羅漢果若疾使